

dis hoc consequamur, ut vivæ eorum statuæ, atque imagines sinus.

¶ Tāquam aurum in fornace probavit electos Dominus, & quasi holocausti hostiam accepit illos: & in tempore erit respectus illorum: \* Quoniam donum & pax est electis Dei.

¶ Qui confidunt in illum, intelligent veritatem: & fideles in dilectione acquiescent illi. Quoniam donum. Gloria Patri. Quoniam donum.

Tempore Paschali.

¶ Filix Jerusalem.

IN III. NOCTURNO.

Legitur Homilia S. Ambrosii Episcopi, in Evangelium: Descendens Jesus de monte, ut in Communi plurimorum Martyrum secundò loco. Missa propria.

\*\*\*\*\*

FESTA APRILIS.

DIE IV. APRILIS.

In Festo S. Isidori Episcopi, & Confessoris.

Duplex secundæ classis.

Omnia de Communi Confessoris Pontificis, præter ea, quæ hic ponuntur propria.

Ad Magnificat in utrisque Vesperis.

Ant. O Doctor optimè Ecclesiæ Sanctæ lumen, beate Isidore, Divinæ legis amator, deprecare pro nobis Filium Dei.

ORATIO.

DEUS, qui populo tuo æternæ salutis beatum Isidorem ministrum tribuisti: præta quæsumus, ut quem Doctorem vitæ habuimus in terris, intercessorem habere mereamur in Cœlis. Per Dominum.

Lectio prim. Noct. Sapientiam omnium antiquorum, de Communi Doctorem.

IN II. NOCTURNO.

LECTIO VI.

¶ Sidorus natione Hispanus, & Doctor Egregius, ex nova Carthagine Severiano Patre Provinciæ Duce natus, à sanctis Episcopis Leandro Hispanensi, & Fulgentio Carthaginensi fratribus suis piè, & liberalitè educatus, latinis, græcis, & hebraicis litteris, divinisque, & humanis legibus instructus, omni scientiarum, atque Christianarum virtutum genere præstantissimus evasit. Adhuc adolescens hæresim Arianam, quæ gentem Gothorum Hispaniæ latissimè dominantem jampridem invaserat, tanta constantia palam oppugnavit, ut parùm abfuerit, quin

ab

ab Hæreticis necaretur. Leandro vita functo, at Hispanensem Cathedram invitus quidem, sed urgente in primis Reccaredo Rege, magnoque etiam Cleri, Populique consensu assumitur, ejusque electionem Sanctus Gregorius Magnus, nedum auctoritate Apostolica confirmasse, sed & electum transmisso de more pallio decorasse, quin etiam suum, & Apostolicæ Sedis in universa Hispania Vicarium constituisse perhibetur.

¶ Inveni David servum meum oleo sancto meo unxi eum: \* Manus enim mea auxiliabitur ei.

¶ Nihil proficiet inimicus in eo, & filius iniquitatis non nocebit ei. Manus.

LECTIO V.

¶ IN Episcopatu quantum fuerit constans, humilis, patienter, misericors, in christiana, & Ecclesiastica disciplina instauranda sollicitus, eaque verbo, & scriptis stabilienda indefessus, atque omni demum virtutum ornamento insignitus, nullius lingua enarrare sufficeret. Monastici quoque instituti per Hispaniam promotor, & amplificator eximius plura construxit Monasteria;

H 2

Collegia itidem edificavit, ubi studiis sacris, & lectionibus vacans, plurimos discipulos, qui ad eum confluebant, erudit, quos inter Sancti Ildefonsus Toletanus, & Braulius Cæsar-Augustanus Episcopi emicuerunt. Coacto Hispani Concilio, Acephalorum hæresim Hispaniæ jam minitantem acriter, & eloquenti disputatione fregit, atque contrivit, & tantam apud omnes sanctitatis, & doctrinæ famam adeptus est; ut elapso vix ab ejus obitu sexto decimo anno, universa Toletana Synodo duorum suprâ quinquaginta Episcoporum plaudente ipsoque etiam Sancto Ildefonso suffragante, Doctor Egregius, Catholicæ Ecclesiæ novissimum decus, in sæculorum fine doctissimus, & cum reverentia nominandus, appellari meruerit, eumque Sanctus Braulius non modo Gregorio Magno comparaverit, sed & erudiendæ Hispaniæ loco Jacobi Apostoli cœlestis datum esse censuerit.

¶ Posui adjutorium super potentem, & exaltavi electum de plebe mea: \* Manus enim mea auxiliabitur ei. ¶ Inveni David servum meum oleo sancto meo unxi eum. Manus.

Leg-

## LECTIO VI.

Crispiti Isidorus libros Ety-  
mologiarum, & de Eccle-  
siasticis officiis, aliosque quam  
plurimos christiane, & eccle-  
siasticae disciplinae adeo utiles;  
ut Sanctus Leo Papa Quartus  
ad Episcopos Britanniae scribere  
non dubitaverit, sicut Hiero-  
nyimi, & Augustini, ita Isido-  
ri dicta retinenda esse, ubi  
contigerit inusitatum nego-  
tium, quod per Canones mi-  
nimè definiti possit. Plures  
etiam ex ejusdem scriptis sen-  
tentiae inter Canonicas Eccle-  
siae Leges relatae conspi-  
ciuntur. Praefuit Concilio To-  
letano Quarto, omnium Hispaniae  
celeberrimo. Denique,  
cum ab Hispania Arianam hæ-  
resim eliminasset, morte sua,  
& regni vastatione à Saraceno-  
rum armis publicè prænuntia-  
ta, postquam quadraginta cir-  
citer annos suam rexisset Ec-  
clesiam, Hispali migravit in  
caelum anno sexcentesimo trig-  
esimo sexto. Ejus corpus inter  
Leandrum fratrem, & Floren-  
tinam sororem, ut ipse man-  
daverat, primò conditum, Fer-  
dinandus Primus Castellæ, &  
Legionis Rex ab Eneto Sara-  
ceno Hispali dominante mag-  
no pretio redemptum Legio-

nem transtulit; & in ejus hono-  
rem Templum ædificatum est,  
ubi miraculis clarus magna po-  
puli devotione colitur.

¶ Iste est, qui antè Deum  
magnas virtutes operatus est,  
& omnis terra doctrina ejus re-  
pleta est: \* Ipse intercedat pro  
peccatis omnium populorum.

¶ Iste est, qui contempsit  
vitam mundi, & pervenit ad  
coelestia regna. Ipse. Gloria  
Patri. Ipse.

## IN III. NOCTURNO.

Lectio Sancti Evangelii secun-  
dum Matthæum. Cap. 5.

## LECTIO VII.

IN illo tempore: Dixit Jesus  
discipulis suis: Vos estis sal  
terrae: quod si sal evanuerit, in  
quo salietur? Ad nihilum va-  
let ultra, nisi ut mittatur foras,  
& conculcetur ab hominibus.  
Et reliqua.

Homilia S. Isidori Episcopi.  
Ex Lib. 2. Officiorum ad S.  
Fulgentium. Cap. 5.

¶ UI in erudiendis, atque  
instituendis ad virtutem  
populis præerit, necesse  
est, ut in omnibus sanctus sit,  
& in nullo reprehensibilis ha-  
beat. Qui enim alium de  
peccatis arguit, ipse à peccato  
debet esse alienus. Nam qua  
fronte subjectos arguere pote-  
rit,

rit, cum illi statim possit cor-  
rectus ingerere, antè doce te  
quæ recta sunt? Primitus quip-  
pè semetipsum corrigere de-  
bet, qui alios ad bene viven-  
dum admonere studet, ita ut  
in omnibus semetipsum for-  
mam vivendi præbeat, cunctos-  
que ad bonum opus, & doc-  
trina, & opere provocet. Cui  
etiam scientia Scripturarum ne-  
cessaria est. Quia si Episco-  
pi tantum sancta sit vita, sibi  
soli prodest, sic vivens. Porrò  
si & doctrina, & sermone fue-  
rit eruditus, potest ceteros quo-  
que instruere, & docere suos,  
& adversarios repercutere, qui  
nisi refutati fuerint, atque con-  
victi, facile possunt simpli-  
cium corda pervertere.

¶ Amavit eum Dominus,  
& ornavit eum: stolam gloriae  
induit eum: Et ad portas para-  
disi coronavit eum.

¶ Induit eum Dominus lo-  
ricam fidei, & ornavit eum.  
Et ad portas.

## LECTIO VIII.

¶ Ujus sermo debet esse pu-  
rus, simplex, apertus, plenus  
gravitatis, & honestatis,  
plenus suavitatis, & gratiae,  
tractans de mysterio legis, de  
doctrina fidei, de virtute con-  
tinentiae, de disciplina justitiae:

unumquemque admonens di-  
versa exhortatione juxta quali-  
tatem, morumque quali-  
tatem, scilicet, ut prænescat,  
quid, cui, quando, vel quomo-  
do proferat. Cujus præ ceteris  
speciale officium est, Scriptu-  
ras legere, percurrere Canones  
exempla Sanctorum imitari,  
vigiliis, jejniis, orationibus,  
incumbere, cum fratribus pa-  
cem habere, nec quemquam de  
membris suis discerpere, nu-  
llum damnare nisi comprobatum,  
& doctrina, & sermone fue-  
rit eruditus, potest ceteros quo-  
que instruere, & docere suos,  
& adversarios repercutere, qui  
nisi refutati fuerint, atque con-  
victi, facile possunt simpli-  
cium corda pervertere.

¶ In medio Ecclesiae aper-  
ruit os ejus: \* Et implevit eum  
Dominus spiritu sapientiae, &  
intellectus.

¶ Jucunditatem, & exul-  
tationem thesaurizavit super  
eum. Et implevit.

In Quadragesima nona Lec-  
tio, & commemoratio feriae.

## LECTIO IX.

Enebit quoque illam supereminentem donis omnibus charitatem, sine qua omnis virtus nihil est. Custos enim castitatis charitas, locus autem hujus custodis humilitas. Habebit etiam inter hæc omnia castitatis eminentiam; ita ut mens Christo dedita, ab omni inquinamento carnis sit munda, & libera. Inter hæc oportebit cum sollicita dispensatione curam pauperum gerere, esurientes pascere, vestire nudos, suscipere peregrinos, captivos redimere, viduas, & pupillos tueri, pervigilem in cunctis exhibere curam; providentiam habere distributione discreta. In quo etiam hospitalitas ita erit præcipua, ut omnes cum benignitate, & charitate suscipiat. Si enim omnes fideles illud Evangelium audire desiderant; Hospes fui, & suscepistis me: quanto magis Episcopus, cujus diversorium cunctorum debet esse receptaculum?

Te Deum laudamus.

Missa de Communi Doctorum cum Credo.

## DIE XI. APRILIS.

Fit Officium S. Leonis Doct. Eccles. cum Lectionibus, Orat.

ut in Breviar. sed in n. 8. In medio Ecclesie, & Aia in utrisque Vesp. O Doctor, &c. Beata Leo, &c. Miss. Doctorem, Episc. Justus cor, cum Evang. Offic. & dicitur Credo. Si occurrat cum alio Doctore in 2. Vesp. dic. Aia: Dum esset Summus, &c.

## DIE XIV. APRILIS.

In Feslo Beati Petri Gonzalez Sancti Telini, vulgò appellati, Confessoris.

Duplex majus.

Omnia de Communi Confessor. non Pontif. præter sequent.

## ORATIO.

DEUS, qui in maris periculis constitutus Beati Petri opem singularem ostendis, ejus nobis intercessione concede, ut in hujus vitæ procellis tuæ gratiæ lumen semper affulgeat, quo æternæ salutis portum invenire valeamus. Per Dominum nostrum.

Lectiones primi Nocturni de Libro Ecclesiastici: Beatus vir, de Communi.

## IN II. NOCTURNO.

## LECTIO IV.

Petrus Gonzalez, Sanctus Telmus vulgò appellatus, Fromestæ in Hispania apud Parentibus piis, ac nobilibus

ceus

Justum deduxit Dominus per vias rectas, & ostendit illi regnum Dei. Et dedit illi claritatem æternam.

## LECTIO V.

AD ceteras autem virtutes, quibus brevi magnopere excelluit, charitatem attulit proximorum salutis cupidissimam: quare absoluto sacram litterarum studio, Sancto Patre Dominico ad imitandum sibi proposito prædicationi se totum dedit, nihil à Deo impensius flagitans, quàm ut revocandis in viam salutis animabus perditis idoneus efficeretur. Severissimum, Apostolico more, in eo munere paupertatem exercuit. Quocumque exciperetur hospitio non inde prius exibat, quam incolas omnes sacra exomologesi expiasset. Sermo illi vivus, & efficax, quo audientium corda ad eum pervadebat, ut per eas, quas Apostolico zelo peragravit Hispaniæ Provincias, innumeros ferè peccatores ad poenitentiam adduxerit. Ferdinandum Regem, cognomento Sanctum, in varias adversus Mauros expeditiones eunte sequutus, consilii, exemplo, & orationibus mirifice juvit. Venustas formæ ejus amore captas,

tas, aliasque prociatōes ad eum immissas, ut pudicitia ejus insidias struerent, non solum strenuè repulit, sed etiam ad meliorem vitæ frugem convertit.

*R.* Amavit eum Dominus, & ornavit eum: stolam gloriae induit eum: \* Et ad portas Paradisi coronavit eum.

*Y.* Induit eum Dominus Ioricam fidei, & ornavit eum, Et ad portas.

## LECTIO VI.

**M**inio fluminis propè Ribadaviam longè rapido, atque effuso publica transeuntium utilitate pontem amplissimum ferè miraculo imposuit, accita ad operis molitionem ingenti structorum manu, quibus cum cibis aliquando deficeret, evocatos quotquot iis reficiendis sufficerent pisces, manūque prehensos iisdem præbuit. Sed & socios labore itineris, atque inedia ferè deficientes, pane, & vino coelitus suppediatatis recreavit. Adhuc vivens, in savissima maris procella à Nautis invocatus, eisdem sese conspicuum exhibuisse fertur, tempestatemque sedasse. Prophetico spiritu futura multa prænuñtiavit, atque in primis extre-

ma vite suæ diem, quo adventante in Tudensem sese Urbem recepit, ubi meritis, & laboribus plenus sancto fine quievit. Ejus corpus honorifico sepulchro, unde mira fragrantia oleum emanasse traditur ægris saluberrimum, ab Episcopo Tudensi in Cathedrali Ecclesia conditum est, ubi asservatur, & colitur. Ejus miraculorum fama ad remotas usque Americæ Regiones pervagata, ingenti Populorum veneratione invocari, & coli cœpit, à Nautis cum primis, qui ejus opem in maris tempestatibus præsentissimam experti, eum sub appellatione Sancti Telmi in Tutelarem sibi adsciverunt. Urbs etiam, & Diocesis Tudensis cum sibi Patronum Principalem nuncupaverunt. Illius cultum continentèr propagatum approbavit Benedictus XIV. ejusque Festum cum Officio, & Missa primum ab universo Ordine Prædicatorum, necnon à Clero Palentino, & Tudensi, deinde ab omnibus Hispaniarum Diocesis celebrari concessit.

*R.* Iste homo perfecit omnia, quæ locutus est ei Deus, & dixit ad eum: Ingredere in requiem meam: \* Quia te vidi

jus-

justum coram me ex omnibus Gentibus.

*Y.* Iste est qui contempsit vitam mundi, & pervenit ad cœlestia regna. Quia te vidi justum, Gloria Patri. Quia te vidi justum.

## IN III. NOCTURNO.

LECTIO Sancti Evangelii secundum Matthæum. Cap. 10.

## LECTIO VII.

**I**n illo tempore: dixit Jesus Discipulis suis: Euntes prædicatè, dicentes: Quia appropinquavit Regnum Cœlorum, Et reliqua.

Homilia Sancti Joannis Chrisostomi.

## Homilia 33. in Matth.

**C**onsidera qualiter Dominus non minorem curam habet, ut mores eorum in meliùs reducat quam ut signorum præbeat potestatem. Nam ut ostendat absque nobilitate morum, nihil signa valere: utque in nullum factum animi, atque tumorem inciderent; gratis, inquit, accepistis: deinde ne cupiditate pecuniarum moverentur, intulit, gratis date. Nam ne quasi suâ ipsorum potestate miracula facientes, inde superbirent, gratis, dixit, accepistis: nihil largimini iis, qui vos recipiunt. Non enim tamquam

mercedem vestris laboribus debitam, ista accepistis, mea enim est gratia. Sic igitur aliis quoque hæc beneficia quorum nullum potest condignum premium inveniri, gratis date.

*R.* Iste est, qui antè Deum magnas virtutes operatus est, & de omni corde suo laudavit Dominum: \* Ipse intercedat pro peccatis omnium populorum.

*Y.* Ecce homo sine querela, verus Dei cultor, abstinentis se ab omni opere malo, & permanens in innocentia sua: Ipse intercedat.

## LECTIO VIII.

**P**OST hæc, cum radicem omnium malorum voluerit evellere; vitiorumque fundamentum diruere, non possideatis, inquit, aurum, nec argentum, nec pecuniam in zonis vestris, non peram in via, nec duas tunicas, nec calceamenta, nec virgam. Non dixit, non accipietis yobiscum, sed non possideatis: ut si quæ aliunde recipere possent, recurent tamen, ac perniciosam hanc aegritudinem fugerent. Quo deinde præcepto multa profecto complectitur, comoda. Primum, ut nulla de discipulis possit esse suspicio:

I

de-

deinde ab omni seculari cura sic ipsos liberos reddit, ut prædicationi solum vacare possint: demum immensam suam potentiam ipsis patefecit, quod & postea commemoravit, dicens: Numquid vobis tunc aliquid defuit, quando vos nudos absque calcis missi?

¶. Sint lumbi vestri præcincti, & lucernæ ardentes in manibus vestris: \* Et vos similes hominibus expectantibus Dominum suum, quando revertatur à nuptiis.

¶. Vigilate ergo, quia nescitis qua hora Dominus vester venturus sit. Et vos. Gloria Patri. Et vos.

## LECTIO XI.

¶ **ILLUD** etiam consideratio: ne dignum est, quo non incipiens statim dixit non possideatis aurum, nec argentum, sed cum prius mundandi leprosos, ejiciendi dæmonia potestatem eis dederit, tunc intulit, nihil possideatis, gratis accepistis, gratis date. Sic rebus ipsis docuit utilia se, & honesta, & facilia factu eis præcipere. Sed inquit, cætera quidem non absque ratione certa dicta esse: quid autem, ut peram non habeant in via, nec cius tunicas, nec virgam, nec

calceamenta, quam de causa eis injunxit? Exactissimè certè sublimioris vitæ fundamenta voluit jâcere: sic & in superioribus, nullam de crastina die curam ipsos habere docuit.

Te Deum laudamus.

Missa propria.

DIE XVI. APRILIS.

In Fæsto S. Thurbii de Liebana, Episcopi, & Confessoris.

Duplex.

Omnia ut in Communi Confessoris Pontificis præter ea, quæ hic habentur propria.

Oratio: Exaudi quæsumus Domine, &c. de Communi secundo loco.

Lectiones primi Nocturni de Scriptura occurrente.

IN II. NOCTURNO.

LECTIO IV.

**THURIBIUS** vir Sanctissimus peregrinationis causa in Palestinam profectus, à Hierosolymorum Antistite sacrorum custos designatur. Suscepto in Hispaniam itinere, Leonem Primum Summum Pontificem veneratus, à Suevorum Rege Gallaciæ imperante honorificè susceptus, postquam regiam puellam, aliosque infirmos mirabiliter sanavit, & templum Christo Salvatori dicavit, invitatus ad Episcopatum

As-

Asturicensem promovetur. Ab Archidiacono sedem illam ambiente adulterii accusatus, in sacro linteo penitus illaso prunas ardentes ad altare portavit: eoque miraculo, ac repentina morte calumniatoris aliam etiam inferentis injuriam, suam innocentiam comprobavit.

¶. Inveni David servum meum, oleo sancto meo unxi eum: \* Manus enim mea auxiliabitur ei.

¶. Nihil proficiet inimicus in eo, & filius iniquitatis non nocebit ei. Manus.

LECTIO V.

**C**atholicæ veritatis ardore Hispanias Priscillianistarum erroribus infectas cepit lustrare, Episcopos serpentis monere contagii & Sedis Apostolicæ implorare subsidium, Misso itaque ad Leonem Pontificem Diacono, commonitorii ad Episcopos seriem, & errorum libellum adjunxit; à quo per gravissimam Epistolam defensæ fidei laudem, & grassantis hæresis antidotum reportavit. Ejus auctoritate duo cogi curavit Concilia, unum Toleti, alterum in Gallaciæ, apud Ullense municipium, in quibus perniciosissima hæ-

resis condemnata est, errantesque Episcopi Catholicæ fidei suscripserunt.

¶. Posui adjutorium super potentem, & exaltavi eum de plebe mea: \* Manus enim mea auxiliabitur ei.

¶. Inveni David servum meum oleo sancto meo unxi eum. Manus enim.

LECTIO VI.

**C**ujus doctrinam magno Deus confirmavit miraculo: Urbem quippè Palentinam his erroribus perniciter adhærentem, & Sancti viri prædicationibus adversantem, ad labentis fluvii insperatam excursionem, penè totam submersit; quo supplicio meliores cives effecti, Thurbii doctrinam susceperunt. Multos pro fide Christi labores passus; virtutibus, & miraculis clarus quievit in pace. Ejus corpus translatum est ad Ecclesiam Sancti Martini montis Liebana à se constructam, & pretiosis, quas Hierosolymis asportavit, reliquiis decoratam, ubi eum finitimi populi summa colunt veneratione.

¶. Iste est, qui antè Deum magnas virtutes operatus est, & omnis terra doctrina ejus repleta est: \* Ipse intercedat

I 2

pro

pro peccatis omnium populorum.

Y. Iste est qui contempsit vitam mundi, & pervenit ad caelestia regna. Ipse intercedat. Gloria Patri. Ipse intercedat.

IN III. NOCTURNO.

*Homilia Sancti Gregorii Papae in Evangelium. Homo peregrè proficiscens, ut in Comuni Confessoris Pontificis primo loco.*

*Missa: Statuit ei Dominus testamentum pacis, de Comuni primo loco cum Oratione: Exaudi, de Comuni secundo loco.*

DIE XVII. APRILIS.

*In Festo B. Mariae Annae à Jesu Virginis.*

*Omnia de Comuni Virginum, prater sequentia.*

*Oratio propria, jam à SS. D. N. approbata.*

**D**omine virtutum, clementissime Deus, qui B. Mariam Annam Virginem tuam innumeris gratiæ tuæ muneribus cumulasti: ejus nobis precibus concede, ut quam solemnè veneratione colimus, etiam actionibus imitemur. Per Dominum, &c.

*Lectioes primi Nocturni de Scriptura occurrente.*

IN II. NOCTURNO.

LECTIO IV.

**M**aria Anna à Jesu Matrici Hispanorum Regum aula, & eximio Catholice Religionis cultu celeberrima urbe, à piis, honestisque Parentibus in lucem est edita. A primis usque ætatis suæ annis satis certa futuræ sanctitatis dedit indicia. In ipsa enim pueritia divinis, quibus abundabat charismatibus, cœlo potius, quam mundo se natam ostendit; rejectisque non sine mirabili animi constantia nuptiis, atque acerbissima pugna hanc ipsam ob rem intus, exteriusque commota, divinitus superata, uni cœlesti sponso se totam lubens devovit; utque promissis stare facilius posset, mundi illecebris, carnisque oblectamentis omnibus nuntium remittens sacrum institutum Monialium Disalceatarum B. M. V. de Mercede, Redempt. Captivorum. cujus propagationem mirificè adjuvit consiliis, orationibusque suis, solemnè ritu professæ, nihil omnium rerum ommissit, quæ vel sui spiritus perfectioni, vel aliorum salutis inservirent. Ad quam rem ne sibi unquam vires deficerent. Deiparam ipsam,

sam,

LECTIO VI.

sam, cujus aspectu sæpenumero recreabatur, peculiarem Patronam, suorumque operum, ac consiliorum omnium Adjutricem adhibuit. Tu autem &c.

LECTIO V.

**V**oluntariam paupertatem ad extremum usque constantissimè coluit; castitatis verò, atque innocentie laudem tantam adeptæ est, ut cœlestem vitam in terris agere, ab omni corporis contagione sejuncta videretur. In loquendo adeò parca, ut nullum planè verbum, nisi consulto, & meditato, proferret; ac tale obedientiæ studium continuo ostendit, ut Præsidium non modo vocibus, sed ipsis nutibus obtemperaret. In his autem animi doloribus maceratione carnis, vigiliis, jejuniisque, tamquam vaillo muniendis, curam omnem adhibuit suam; ac inaudita, eaque perenni non minus, quam aspera tormentorum vi corpus in absolutam spiritus servitutem redegit. De se enim adeò humiliter, demissèque sentiebat, ut quo majori cœlestium donorum copia perfundebatur, eo viliorum sese, ac omni pœna contemptuque dignissimam existimaret. Tu autem, &c.

**C**redi vix potest, quæ in Deum charitate, Maria Anna flagraret: omniaque præ illo maximo habens in spreto, divini amoris voluptate adeò plurima afflicta, ut quantissimèlibet pressa curis, ac molestiis fatigata in unius Dei amplexu, quem vivissimæ fidei ope præsentem sibi assidue intuebatur, per summam delectationem acquiesceret; nec aliud jucundius haberet, quam assidue orationi, Majestatisque Divinæ contemplationi vacare; cujus cœlesti dulcedine perfundabatur ita, ut à corporeis abstracta sensibus in frequentes extases raperetur. Ex hoc autem tam incenso in Deum amore egregia non solum illa oriebatur voluntas unumquemque consiliis, opere, monitiisque juvandi ad bene, pièque vivendum, sed firmissima etiam spes, summumque desiderium, quo corporeis vinculis solvi, & esse cum Christo vehementer optabat. Optata autem diu, felicissima tandem advenit dies: anno enim millesimo sexcentesimo vigesimo quarto, etatis suæ quinquagesimo nono, extremi morbi doloribus patientissimè toleratis, Sa-

Sacramentis omnibus summa cum pietate susceptis, grave suarum virtutum Matritensi populo universo desiderium relinquens, meritorum plenissima migravit ad Sponsum. Quam Pius VI. Pontifex Maximus multis insignem miraculis, ac prophetia dono illustrem ritu solemniter Beatarum Virginum numero adscripsit. Tu autem, &c.

In tertio Nocturn. Hom. S. Gregorii Pape in Evangelium: Simile erit Regnum caelorum, &c. de Communi Virgin. primo loco.

## DIE XX. APRILIS.

In Festo Sanctae Agnetis de Monte Poltiano Virginis.

Duplex.

Omnia de Communi Virginum, praeter sequentia.

ORATIO.

DEUS, qui Beatam Agnetem Virginem tuam caelesti rore saepe perfundere, & orationis ejus loca, diversis enatis floribus decorare dignatus es: concede propitius, ut ejus precibus perpetuae tuae benedictionis conspersi, aternitatis fractus percipere mereamur. Per Dominum nostrum.

Lectiones primi Nocturni de Scriptura occurrente.

IN II. NOCTURNO.

LECTIO IV.

AGNETIS de Monte Poltiano no Ordinis Sancti Domini Virginis integerrimae nativitatem faces divinitus accensae in cubiculo matris illustrarunt. Claustrale institutum amplexa est nono aetatis anno: & quintum decimum nedum egressa, Summi Pontificis jussu monialibus invita praeficitur. Ejus lectulus nuda humus, cervical, saxum fuit: & quindecim annos in pane, & aqua jejunavit. Saepè inter orandum, nec major annis quatuor decim, a terra cubito tollebatur: ejusque pallium roris candidi guttibus, quae Crucis effigiem singulare referebant, respicebatur: ac locus, ubi genua fixisset, subitò pulcherrimis floribus ornabatur. Tu autem, &c.

Propter veritatem, & mansuetudinem, & justitiam: \* Et deducet te mirabiliter dextera tua.

Specie tua & pulchritudine tua intende, prospere, procede, & regna. Et deducet.

LECTIO V.

SACRA Deipara Jesum forma lactentis orans excepit: eumque aliquandiu sinu complexa, parvulam Crucem

te-

tenui filo nexam ab ejusdem collo detraxit. Terram quoque Christi sanguine in Passione fuso cruentatam divinitus accepit: ac frustrum pulvis, ubi ipse infantulus Jesus à Virgine Matre fuit ablutus: Sed, & Sancti Apostoli Petrus, & Paulus particulis suarum vestium eandem pro magno munere donarunt. Saepius eidem Angelus Eucharistiam sua manu porrexit. Tu autem, &c.

Dilexisti justitiam, & odisti iniquitatem: \* Propterea unxit te Deus, Deus tuus, oleo latitiae.

Propter veritatem, & mansuetudinem, & justitiam. Propterea unxit.

LECTIO VI.

VIRTUTIBUS, & miraculis illustris, ac pretiosa virginitatis corona redimita migravit in Coelum, anno millesimo trecentesimo decimo septimo. Cum Sancta Catharina Senensis, quae à Deo praemonita jam antea fuerat, parem se gloriam cum Sancta Agnete in Coelis habituram, ejus corpus integrum, atque incorruptum sepulchro servatum inviseret, ac ejus pedes deosculari vellet: Agnes alterum pedem extulit ad os usque Catharinae: quae

cum alio etiam tempore reverentia, se ad caput Agnetis demississet, manna instar nivis toto illo loco pluere cepit. Denique ipsam Beatam Virginem Agnetem, miraculis claram, Benedictus Decimus tertius Ordinis Praedicatorum, Sanctarum Virginum numero adscripsit. Tu autem, &c.

Afferentur Regi virginum post eam, proxima ejus: \* Afferentur tibi in latitia, & exultatione.

Specie tua & pulchritudine tua intende, prospere, procede, & regna. Afferentur Gloria Patri. Afferentur.

IN III. NOCTURNO.

Homilia S. Gregorii Pape in Evangelium: Simile erit regnum caelorum decem virginibus: de Communi.

Missae: Dilexisti, cum Oratione propria, ut in Vesperis.

## DIE XXI. APRILIS.

In Festo Sancti Maximi Martyris, cujus Reliquia asservantur in Alma Ecclesia Angelopolitana.

Duplex.

Omnia de Communi unius Martyris, temp. Paschali.

Oratio: Praesta, i. loco.

Lectiones primi Nocturni de Scriptura. Secundi, & tertii

Noct-

Nocturni de eodem Communi.  
Temp Paschali, primo loco.

Missa: Protexisti, & in Matrice dicitur Credo.

Si celebretur extra tempus Paschale, Lect. secundi Nocturni: Triumphalis; Homilia: Si quis vult.

Missa: In virtute, cum dicto Evangelio.

DIE XXIV. APRILIS.

In Festo S. Boni Latronis.

Duplex.

AD VESPERAS.

Añā: Latro Christum crucifixum; cum reliquis de Laudibus. Psalmus: Dixit Dominus; cum reliquis de Dominica, & loco ultim. Psalm. Laudate Dominum omnes Gentes.

Capitulum. Isai. 59.

**E**CCE non est abbreviata manus Domini, ut salvare nequeat, neque aggravata est auris ejus, ut non exaudiat.

ꝛ. Deo gratias.

HYMNUS.

**J**ESU corona celsior,  
Et veritas sublimior,  
Qui confidenti servulo  
Reddis perenne primum.  
Da supplicanti coetui,  
Hujus rogatu, noxi  
Remissionem criminis,  
Rumpendo nexum vinculi.  
Anni reverso tempore,

Dies refulsit lumine,  
Quo sanctus hic de corpore

Migravit inter sidera,  
Ut sis perenne meatibus

Paschale Jesu gaudium,  
A morte dira criminum

Vitæ renatos libera.  
Deo Patri sit gloria,

Et Filio, qui à mortuis  
Surrexit, ac Paráclito,

In sempiterna sæcula Amen.  
Ꝛ. Amavit eum Dominus,

& ornavit eum. Alleluia.

ꝛ. Stulam gloriæ induit eum. Alleluia.

AD MAGNIFICAT.

Añā: Ait Latro ad Latronem: nos quidem digna factis recipimus; hic autem quid fecit? Memento mei Domine, cum veneris in regnum tuum.  
Alleluia, alleluia.

ORATIO.

**O**mnipotens, & misericors Deus, qui justificas impios; te supplices exoramus, ut nos benigna intuitu, quo Unigenitus tuus beatum traxit Latronem, ad dignam poenitentiam provoces; & illam, quam ei promisit, tribuas nobis gloriam sempiternam. Per eundem Dominum nostrum.

Deinde fit commemoratio S. Georgii Martyris, ut in Brevario.

Chris-

AD MATUTINUM.

INVITATORIUM.

Christum Regem crucifixum, qui Latroni in Cruce paradisi donat: \*Venite adoremus.  
Alleluia.

Hymnus: Jesu corona celsior, ut in Vesperis.

IN I. NOCTURNO.

Añā: Beatus iste Sanctus, qui confisus est in Domino, & exauditus est de monte sancto ejus. Alleluia.

Psalm. Beatus vir, qui non abiit. Quare fremuerunt Gentes. Domine, quid multiplicati sunt; ut in Communi Confessoris non Pontificis.

Ꝛ. Amavit eum Dominus, & ornavit eum. Alleluia.

ꝛ. Stulam gloriæ induit eum. Alleluia.

Lectioes dicuntur de Scriptura occurrente.

ꝛ. i. Posui adjutorium super potentem: \*Manus enim mea auxiliabitur ei, & brachium meum confortabit eum. Allel.

Ꝛ. Nihil proficiet inimicus in eo, & filius iniquitatis non nocebit ei. Manus.

ꝛ. ii. Iste cognovit justitiam, & vidit mirabilia, & exoravit Altissimum: \* Ipse intercedat pro peccatis omnium populorum. Alleluia.

Ꝛ. Iste inventus est in numero Sanctorum. Ipse.

ꝛ. iii. Amavit eum Dominus, & ornavit eum: stolum gloriæ induit eum: \* Et ad portas paradisi coronavit eum. Alleluia.

Ꝛ. Induit eum Dominus lorricam fidei, & ornavit eum. Et ad portas. Gloria Patri. Et ad portas.

IN II. NOCTURNO.

Añā: Invocantem exaudivit Dominus Sanctum: Dominus exaudivit eum in pace. Allel.

Psalm. Cum invocarem. Verba mea auribus percipe. Domine Dominus noster.

Ꝛ. Induit eum Dominus lorricam fidei, & ornavit eum. Alleluia.

ꝛ. Et ad portas paradisi coronavit eum. Alleluia.

Sermo Sancti Joannis Chrysostomi.

Homilia 2. de Cruce, & Latrone, tom. 3.

LECTIO IV.

**S**CIO, & ante me dixisse de Latrone, sed habet diversas intelligentias Dei sermo.

Iste Latro de ligno mercatur salutem: hic Latro furatur coeleste imperium. Vim facit majestati, non virtute propria, sed fide vincens. Ipsius Domini

K

VOX



vox est: regnum cœlorum vim patitur, & violenti diripiunt illud. In Cruce duo Latrones, imago Judæorum, & Gentilium. Latro, qui poenitent, imaginem obtinet populi ex Gentibus congregati; qui prius in errore ambulaverat, & post hoc veritatem agnovit. Imaginem verò Latro ille obtinet Judæorum, qui usque in finem perseverat Latro. Et usque ad tempus quidem Crucis, vim malignitatis ierunt; Crux autem divisit utrumque.

¶ Velum templi scissum est: \* Et omnis terra tremuit Latro clamabat de Cruce, dicens: Memento mei Domine, cum veneris in regnum tuum. Alleluia.

¶ Petra scissæ sunt, & momenta aperta sunt; & multa corpora Sanctorum, qui dormierant, surrexerunt. Et omnis terra.

## LECTIO V.

Viam namque cœcitatibus, & perditionibus, qui non credidit, ingressus est: viam autem salutis, qui credidit, ingressus est: viam salutis, qui credidit, adeptus est. In Cruce didicit Latro differentiam viarum, quoniam novit Dominus viam justorum: via au-

tem impiorum peribit. Et vide Dei justum iudicium; ut dicas, & tu cum Propheta: Justus es Domine, & rectum iudicium tuum. Propter unum peccatum damnatur Adam; & propter unam fidei vocem Latro salvatur. Unum peccatum ejecit illum, & una iustitia introduxit istum: & Latro habitator factus est paradisi. O admiranda rerum materies! Nec Abrahæ data est per vocem repromissio paradisi. Hereditatur quidem per fidem; repromissionem autem paradisi nemo antè Latronem accepit.

¶ Nemo promissionem paradisi nisi antè Latronem accepit, cui Dominus in Cruce dixit: \* Hodie mecum eris in paradiso. Alleluia.

¶ Domine, memento mei, cum veneris in regnum tuum. Hodie mecum.

## LECTIO VI.

ISTE ergo vidit Salvatorem, non adorari in templo, non loquentem de cœlis, non per Angelos disponentem; sed in poena sociatum Latroni: vidit in tormentis, & tamquam in gloria adorari: vidit in Cruce, quasi in cœlis sedentem:

videt condemnatum, & regem invocari, dicens: Domine, memento mei, cum veneris in regnum tuum. Crucifixum vides, & Regem prædicari? In ligno pendere cernis, & cœlorum regna meditari? O admiranda Latronis conversio!

¶ O admiranda Latronis conversio! \* Crucifixum videt, & Regem prædicat. Alleluia.

¶ In ligno pendere cernit, & cœlorum regna meditat. Crucifixum. Gloria Patri. Crucifixum.

## IN III. NOCTURNO.

¶ *Añs.* Domine, iste Sanctus habitabit in tabernaculo tuo, requiescet in monte sancto tuo. Alleluia.

¶ *Psalm.* Domine, quis habitabit. Domine in virtute tua. Domini est terra.

¶ Hic accipiet benedictionem à Domino. Alleluia.

¶ Et misericordiam à Deo salutari suo. Alleluia.

LECTIO SANCTI EVANGELII SECUNDUM LUCAM. Cap. 23. f.

## LECTIO VII.

¶ In illo tempore: Unus de his, qui pendebant Latronibus, blasphemabat Dominum, dicens: Si tu es Christus, salvum fac semetipsum, & nos. Et reliqua.

Homilia Sancti Ambrosii Episcopi.

## Sermo 59. de S. Latrone.

¶ Quoniam hodie Evangelii lectio de Latrone fecit mentionem, videamus quis iste Latro sit, qui in cruce Domino constituto, non solum peccatorum suorum veniam consequitur, sed etiam paradisi amantate donatur: ut qui propter scelera damnatus fuerat ad poenam, propter fidem transferatur ad gloriam; fueritque illi crux quàm pertulit, non tam supplicii damnatio, quàm salutis occasio. In cruce enim positus, in Christum Dominum nostrum credidit Crucifixum. Et ideo, qui consortio passionis utitur, consortio paradisi condonatur. Beatus enim Latro dum supplicium patitur, regnum cœlestis consequitur. Ecce reus dicitur, sicut qui damnari illud tempus expetivit. Non enim perveniret ad gloriam, si non contraditus esset ad poenam. Videamus, inquam, cur tantorum criminum reus, tam citò à Salvatore paradisu promeretur; cum alii multorum temporum lacrymis frequentibusque jejuniis, vix delictorum suorum veniam consequantur.

*ny.* Iste est beatus Lathro, qui in cruce positus, Christum Dominum nostrum credidit Crucifixum: \* Et dum supplicium patitur, regnum celeste consequitur. Alleluia.

*y.* Quem Judas Iscariotes in hortulo paradisi distraxerat, iste in patibulo confitetur. Et dum supplicium.

## LECTIO VII.

**M**agna, fratres, & multiplex causa est. Primum, quod iste Lathro devotione fidei tam repente mutatus est, ut presentem poenam despiceret, ac de futura veniam precaretur; & magis crederet illsibi esse, de aeterno iudicio petere, quam de temporali supplicio postulare. Reminiscens enim scelerum suorum, & poenitentiam gerens, plus incipit dolere, quod sperat, quam sentire, quod patitur. Potuit enim nisi de futuris amplius cogitasset, qui in Christum semel crediderat, de presenti magis supplicio deprecari. Deinde illud ad gratiam ejus majoris creditur, quod in Christum in cruce positum credidit, & passio, quae aliis scandalum fecit, illi ad fidem profecit. Crucis enim passio multis scandalum fuit, sicut dicit Apostolus: Nos au-

tem praedicamus Christum Crucifixum, Judaeis quidem scandalum, Gentibus autem stultitiam. Recte ergo meretur paradisum, qui crucem Christi non putavit esse scandalum, sed virtutem, dicit enim idem Apostolus: ipsis autem vocatis Judaeis, atque Graecis, Christum Dei virtutem, & Dei sapientiam.

*ny.* Iste est, qui Crucem Christi non putavit esse scandalum, sed virtutem; ideoque paradisi meretur: \* Ipse intercedat pro peccatis omnium populorum. Alleluia.

*y.* Iste est, qui honorificat patientem, quem Judas prodidit osculantem. Ipse intercedat. Gloria Patri. Ipse intercedat.

## LECTIO IX.

**R**ecte plane, & Dominus huic donat paradisum: quia quem Judas Iscariotes in hortulo paradisi distraxerat, hic in Crucis patibulo confitetur. Mira res: confitetur Lathro, quem Discipulus abnegavit. Mira, inquam res: Lathro honorificat patientem, quem Judas prodidit osculantem. Ab hoc pacis blandimenta venduntur; ab illo Crucis vulnera praedicantur. Ait enim: Mem-

mento mei Domine, cum veneris in regno tuo. Haec est fidei plena devotio, ut cum vulneribus Domini profuens sanguis cernitur: tunc de potestate ejus venia postuletur. Cum videtur ejus humilitas tunc magis timeatur ejus divinitas: cum morti additus putatur, tunc Regis illi honorificentia deferatur. Iste enim fidelis Lathro non credit moriturum, quem annuntiat regnaturum in caelo: non arbitratur eum apud tartarum detineri, à quo se etiam postulat liberari. Cernat licet ejus hiantia vulnera, spectet ipsius sanguinem profluentem; Deum tamen credit, quem reum nescit: justum fatetur, quem non meminit peccatorem.

Te Deum laudamus.

AD LAUDES, ET PER HORAS.

*Antiphona.*

**L**athro Christum Crucifixum videbat, & Regem invocabat, dicens: Domine, memento mei, cum veneris in regnum tuum. Alleluia.

*Psalm.* Dominus regnavit; cum reliquis de Dominica.

*Añia:* Qui me confessus fuerit coram hominibus, confite-

bor & ego eum coram patre meo. Alleluia.

*Añia:* Dum conturbata fuerit anima mea, Domine misericordiae memor eris. Alleluia.

*Añia:* Salvum me fecit Christus Redemptor, quia dixit: Hodie mecum eris in paradiso. Alleluia, alleluia, alleluia.

*Añia:* Ille qui talis ad Crucem venit ex culpa; ecce qualis à Cruce recedit ex gratia. Alleluia, alleluia, alleluia.

*Capitulum.* Ecce non est abbreviata manus Domini; ut infra.

## HYMNUS.

**J**ESU Redemptor omnium,  
Corona confitentium,  
In hac die clementius  
Indulgeas precantibus  
Tui sacri, qua nominis  
Confessor almus claruit:  
Hujus celebrat annua  
Devota plebs solemnia.  
Hujus benignus annue  
Confessionem nos sequi:  
Hujus precatu servulis  
Dimitte noxam criminis.  
Ut sis perenne mentibus  
Paschale Jesu gaudium,  
A morte dira criminum  
Vita renatos libera.  
Deo Patri sit gloria,  
Et Filio, qui à mortuis  
Surrexit, ac Paraclito,

In sempiterna sæcula.  
Amen.

ŷ. Vitam petiit à te, & tribuisti ei Domine. Alleluia.

ŷ. Gloriam, & magnum decorem imposuisti super eum. Alleluia.

AD BENEDICTUS.

*Añã:* Ait Latio ad Latronem: Nos quidem digna factis recipimus; hic autem quid fecit? Memento mei, Domine, cum veneris in regnum tuum. Alleluia, alleluia.

AD PRIMAM.

*Ad absolutionem Capit.*

**T**U autem Domine eruisti animam meam, ut non periret: projecisti post tergum tuum omnia peccata mea. Tu autem Domine, miserere nobis.

ŷ. Deo gratias.

AD TERTIAM.

*Capitulum Isai. 59.*

**E**CCE non est abbreviata manus Domini; ut salvare nequat, neque aggravata est auris ejus, ut non exaudiat.

ŷ. Deo gratias.

ŷ. *brev.* Amavit eum Dominus, & ornavit eum. Alleluia, alleluia. Amavit.

ŷ. Stulam gloriæ induit eum. Alleluia, alleluia. Gloria Patri. Amavit.

ŷ. Induit ei Dominus lo-

ricam fidei, & ornavit eum. Alleluia.

ŷ. Et ad portas Paradisi coronavit eum. Alleluia.

AD SEXTAM.

*Capitulum Isai. 58. c.*

**T**UNC invocabis, & Dominus exaudiet; clamabis, & dicit: Ecce adsum.

ŷ. Deo gratias.

ŷ. *brev.* Induit ei Dominus lorica[m] fidei, & ornavit eum. Alleluia, alleluia. Induit.

ŷ. Et ad portas paradisi coronavit eum. Alleluia, alleluia. Gloria Patri. Induit.

ŷ. Hic accipiet benedictionem à Domino. Alleluia.

ŷ. Et misericordiam à Deo salutari suo. Alleluia.

AD NONAM.

*Capitulum Isai. 58. c.*

**T**U autem Domine eruisti animam meam, ut non periret: projecisti post tergum tuum omnia peccata mea.

ŷ. Deo gratias.

ŷ. *brev.* Hic accipiet benedictionem à Domino. Alleluia, alleluia. Hic accipiet.

ŷ. Et misericordiam à Deo salutari suo. Alleluia, alleluia. Gloria Patri. Hic accipiet.

ŷ. Vitam petiit à te, & tribuisti ei. Alleluia.

ŷ. Gloriam, & magnum de-

co-

corem imposuisti super eum. Alleluia.

*Vesper. de S. Marco Evangelista, cum commemoratione S. Boni Latronis.*

*Quod si contingat festum S. Marci alio die celebrari, in secundis Vesperis S. Boni Latronis, omnia dicuntur, ut in primis.*

AD MAGNIFICAT.

*Añã.* Impietas impii non nocebit ei, in quacumque die conversus fuerit ab impietate sua. Alleluia, alleluia.

*Missa propria, cum Præfatione de Cruce.*

DIE XXVII. APRILIS.

*In Festo S. Thuribii Episcopi Limani, & Confessoris.*

Semiduplex.

*Omnia de Communi Confessoris Pontificis, præter ea, quæ sequuntur.*

ORATIO.

**E**Cclesiam tuam, Domine, beati Thuribii Confessoris tui, atque Pontificis continua protectione custodi: ut sicut illum pastoralis sollicitudo gloriosum reddidit, ita nos ejus intercessio in tuo semper faciat amore ferventes. Per Dominum nostrum.

*Lectiones primi Nocturni de Scriptura Quærente.*

IN II. NOCTURNO.

LECTIO IV.

**T**HURIBIUS Alphonsus ex nobili Mogroveja gente Majorcæ in regno Legionis, & Juri Canonico Vallisoleti primum, deinde Salmantica in majori Collegio Ovetensi Sancti Salvatoris ita operam dedit, ut tamen potiore[m] temporis partem orationi, aliisque piis, & christianis exercitiis impenderet. Id comprobatum est, cum immissam in ejus cubiculum impudicam mulierem, præcipuus virginitatis sedator constanti animo exemplo expulit: inde jejuniis, vigiliis, & proprii corporis castigatione continuo vitam exercuit, & nudis quoque pedibus Compostellam ad Sancti Jacobi sepulchrum peregrinatus est.

ŷ. Inveni David servum meum, oleo sancto meo unxi eum: \* Manus enim mea auxiliabitur ei.

ŷ. Nihil proficiet inimicus in eo, & filius iniquitatis non nocebit ei. Manus.

LECTIO V.

**G**regorio Decimo Tertio Limanæ Ecclesiæ ex Quæstore fidei invitus præ-

ci-

cur; quo in munere Apostolicam sollicitudinem in nova Christianitate, vel solidanda, vel amplianda adhibens, perfecti Prasulis partes explevit. Quare singulis Dominicis diebus, vel in Ecclesia, vel in Hospitali domo in parvis etiam Oppidulis, & sub diu concionabatur, plebemque catholicismo instruebat. Synodus etiam Diocesanas, & Provincialia Concilia juxta Tridentini statuta habuit, & in eis complura decreta, postea à Sede Apostolica confirmata, condita sunt, quibus modò Ecclesia Americana regitur. Hinc morum emendatio, Cleri disciplina, juvenum Seminarum, virginum, ac malè nuptarum Cœnobium, ægrotorum Xenodochia, aliaque ades; & Templum ejus etiam sumptu constructa, emanarunt.

¶ Posui adjutorium super potentem, & exaltavi electum de plebe mea: \* Manus enim mea auxiliabitur ei.

¶ Inveni David servum meum, oleo sancto meo unxi eum. Manus enim.

## LECTIO VI.

Diocesim suam, amplissimam quidem, incredibili labore totam sæpè visita-

vit, omnesque penè Ecclesie sue proventus in pauperum usus, quos creditores suos vocabat, erogavit, octingentis, ut ferunt, hominum milibus sacro Chrismate unctis: innumeras contraditiones, sive ab iis, qui foris sunt, propter fidem, sive ab iis, qui intrà, propter Ecclesie libertatem, summa patientia sustinens, acriter defendit, martyrii cupidissimus. Tandem sacerdotio, & miraculis clarus, quæ etiam post mortem ipsius sanctitatem comprobantur, dum propria Diœcesis visitationi incumberet, anno millesimo sexcentesimo sexto, ætatis suæ sexagesimo octavo, sumpto in Ecclesia Sacro Viatico, ad mortis nuntium exclamans: Lætatus sum in his, quæ dicta sunt mihi, in domum Domini ibimus: die vigesima tertia Martii obdormivit in Domino: quem Innocentius Undecimus in Beatorum numerum retulit, assignata ejus festivitati die vigesima septima Aprilis. Deinde novis, quam pluribus fulgentem signis, Benedictus Decimus Tertius Pontifex Maximus, quarto Idus Decembris, anno salutis millesimo septingentesimo vigesi-

mo sexto, Sanctorum fastis adscripsit.

¶ Iste est, qui antè Deum, & magnas virtutes operatus est in omni terra doctrina ejus repleta est: \* Ipse intercedat pro peccatis omnium populorum.

¶ Iste est qui contempsit vitam mundi, & pervenit ad cœlestia regna. Ipse intercedat. Gloria Patri. Ipse intercedat.

## IN III. NOCTURNO.

LECTIO Sancti Evangelii secundum Matthæum.

## LECTIO VII.

IN illo tempore: Dixit Jesus discipulis suis parabolam hanc: Homo peregrè proficiscens vocavit servos suos, & tradidit illis bona sua. Et reliqua.

Homilia S. Bernardi Abbatis.

## Ex Sermo 23. in Cant.

Accipiunt in promissione, qui benè præsent, constitui super omnia bona Domini sui: at pauci profectò qui utilitèr, pauciores qui & humiliter, præsent. Facile tamen utrumque adimplet, qui matrem virtutum discretionem perfectè adeptus, vino nihilominus charitatis usque ad contemptum, propriæ gloriæ usque ad sui ipsius oblivionem,

& non ad querenda, quæ sua sunt, inebriatur, quod solo, ac miro Spiritus Sancti magisterio obtinetur.

¶ Amavit &c.

## LECTIO VIII.

Virtus autem discretionis absque charitatis fervore jacet, & fervor vehemens absque discretionis temperamento præcipitat. Idèdque laudabilis, cui neutrum deest, quantum & fervor discretionem erigat, & discretio fervorem regat. Ergò taliter oportet esse moratum eum, qui præest. Optimum autem in moribus dixerim, & summam disciplinæ hujus perfectè apprehendisse, qui in nullo prorsus, aut resistat prioribus, aut invadeat paribus, aut subiectis, vel desit in cura, vel in superbia præsit, prelati obediens, sociis congruens, subditis utilitèr condescendens.

¶ Sint lumbi &c.

## LECTIO IX.

Timeant Clerici, timeant Ministri Ecclesie, qui in terris Sanctorum, quas possident, tam iniqua gerunt, & stipendiis, quæ sufficere debent, minimè contenti, superflua, quibus egeni sustentandi forent, impie, sacrilegèque si-

bi retineant, & in usus suæ superbis, atque luxuriæ victum pauperum consummere non vereantur; duplici profecto iniquitate peccantes, quod & aliena diripiunt, & sacris, in suis vanitatibus, & turpitudinibus abutuntur.

*Ista Lect. 3. Noct. dicuntur tantum in Ecclesia Limana. In aliis de Communi, Homilia S. Gregorii.*

*Missa: Statuit, Epistola propria.*

DIE XXVIII. APRILIS.

*In Festo S. Fidelis à Sigmaringa Proto-Martyris, Sacra Congregat. de Propaganda Fide.*

Duplex.

*Omnia de Communi Martyr. tempore Paschali, præter ea, quæ hic assignantur.*

ORATIO.

**D**EUS, qui Beatum Fidelium Seraphico spiritus ardore succensum in veræ fidei propagatione martyrii palma, & gloriosis miraculis decorare dignatus es, ejus quæsumus meritis, & intercessione, ita nos per gratiam tuam in fide, & charitate confirma, ut in servitio tuo fideles usque ad mortem inveniri mereamur. Per Dominum.

IN I. NOCTURNO. *omn*  
*LECTIO de Scriptura occurre*  
*rente.*

IN II. NOCTURNO. *um*  
*LECTIO IV.*

**F**idelis in Oppido Sueviæ à Sigmaringa ex honesta Regorum familia natus, ab ineunte ætate singularibus naturæ, & gratiæ donis ornatus præfulsit. Egregiam quippè sortitus indolem, morumque optima imbutus disciplina, dum Friburgi Philosophiæ, & Juris utriusque lauream emeruit, in Schola etiam Christi ad perfectionis apicem sedulo virtutum exercitio contendere cepit. Nobilium exinde Virorum, varias Europæ Provincias lustrantium comes adscitus, eos ad christianam pietatem sectandam tam verbis, quam operibus excitare non destitit. Quinimò in eodem itinere crebris austeritatibus desideria carnis mortificare, ac ita seipsum regere studuit, ut in tanta rerum vicissitudine nullo unquam visus fuerit iræ motu perturbari. Juris præterea, & justitiæ strenuus propugnator, post redditum in Germaniam, celebre sibi nomen acquisivit in advocati munere, in quo tamen cum fo-

ri pericula esset expertus tutiorem æternæ salutis viam ingredi deliberavit, & superna vocatione illustratus paulo post Ordini Seraphico inter Fratres Minores Capuccinos adscribi petiit.

LECTIO V.

**P**IE petitionis compos reditus, mundi, sulque contemptor insignis in ipso statim tirocinio, magisque cum solemnibus Professionis vota in gaudio, Spiritus Domini nuncupasset, in Regulari Observantia omnibus admirationi fuit, & exemplo. Orationi maxime, & sacris litteris vacans, in verbi quoque ministerio singulari gratia excellens, nê dum Catholicos ad meliorem frugem, verumetiam Heterodoxos ad veritatis cognitionem attraxit. Pluribus in locis, Coenobii Præfectus constitutus, prudentia, justitia, mansuetudine, discretionem, & humilitatis laude, munus sibi demandatum exercuit. Arctissimæ paupertatis zelator egregius, quicquid vel minus necessarium videretur, è Coenobio penitus eliminavit. Inter austeræ jejunia, vigiliis, & flagella salutari se ipsum prosequens odio, in alios amorem,

quasi mater in filios ostendit. Cum pestifera febris Austriacas militares copias dire affligeret, ipse in extremis infirmorum indigentis ad assidua charitatis officia toto spiritu incubuit. In componendis etiam animorum dissidiis, aliisque proximi necessitatibus sublevandis consilio, & opere adeo præclare se gessit, ut Patriæ meruerit appellari.


LECTIO VI.

**D**eiparæ Virginis, & Rosarii cultor eximius, illius præcipue, aliorumque Sanctorum patrocinis à Deo postulavit, ut in Catholica fidei obsequium vitam sibi, & sanguinem fundere liceret. Cumque ardens hoc desiderium in quotidiana Sacri devota celebratione magis accenderetur, mira Dei Providentia factum est, ut fortis Christi Athleta Præses eligeretur illarum Missionum, quas Congregatio de Propaganda Fide pro Rhetia tunc temporis instituerat. Quod arduum munus prompto, hilarique animo suscipiens, tanto fervore executus est, ut pluribus Hæreticis ad Orthodoxam fidem conversis, spes non modicæ effulserit totius illius gentis Ecclesiæ, & Christo re-

concedenda. Prophetia dono  
 præditus futuras Rhatia cala-  
 mitates, sui que necem ab Hæ-  
 reticis inferendam sæpius præ-  
 dixit. Post quam verò insidia-  
 rum probe conscius impenden-  
 ti agoni se præparasset, die  
 Xigesima quarta Aprilis anni  
 millesimi sexcentissimi vige-  
 simi secundi ad Ecclesiam loci,  
 Sevisium nuncupati, se  
 contulit, ubi ab Hæreticis, qui  
 pridie conversionem simulantes,  
 eum dolose ad prædicandum  
 invitaverant, concione  
 tumultuariè interrupta, per  
 verbera, ac vulnera eidem crudeliter  
 inflicta gloriosam mortem  
 magno, & alacri corde  
 perpassus, primitias Martyrum  
 memoratæ Congregationis proprio  
 sanguine consecravit; pluribus  
 signis, & miraculis inde clarus  
 præsertim Curia, & Veldbirchii,  
 ubi summa populi  
 veneratione illius Reliquiæ  
 asservantur.

*In tertio Nocturno Homilia  
 Sancti Augustini Episcopi, in  
 Evangelium: Ego sum vitis  
 vera, & Pater meus. De Comuni  
 Martyrum tempore Paschal.  
 primo loco.*

*Missa: Protexisti, de Comuni  
 unius Martyr. tempore  
 Paschal.*



## FESTA MAIL.

DIE V. MAIL.

*In Fests Conversionis S. Augustini  
 Episcopi Confessoris,  
 & Doctoris.*

Duplex.

*Omnia de Comuni Confessoris  
 Pontificis, præter ea, quæ  
 sequuntur.*

*In Hymno ad Vesperas, &  
 Matutinum: Hac die lætus colitur  
 renatus Flumine sacro.*

AD MAGNIFICAT. Añ.

**V**Xultemus in Deo salutari  
 nostro, quia respexit ad  
 preces, & lacrimas ancilla suæ  
 Monica super desiderium ejus.  
 Ecce Augustinus omnipotenti  
 brachio ad veritatem conversus  
 est, & magnus Ecclesiæ  
 Doctor evasit.

ORATIO.

**D**EUS, qui hodiernam diem  
 Beati Augustini Confessoris  
 tui, atque Pontificis mirabili  
 conversione decorasti; præsta  
 quæsumus, ut sicut Ecclesiam  
 tuam propulsis erroribus  
 protegisti, ita corda nostra  
 precibus suis contra malignos  
 spiritus tua gratia irigante  
 defendat. Per Dominum.

IN I. NOCTURNO.

LECTIO I.

De Epistola Beati Pauli Apostoli  
 ad Romanos.

Cap. 7. v. 14.

**S**Cimus enim, quia lex spiritalis  
 est. Ego autem carnalis sum,  
 venundatus sub peccato. Quod enim  
 operor, non intelligo: non enim quod  
 volo bonum, hoc ago; sed quod  
 odi malum, illud facio: Si autem  
 quod nolo, illud facio: consentio  
 legi, quoniam bona est. Scio enim,  
 quia non habitat in me, hoc est  
 in carne mea bonum. Nam velle  
 adjacet mihi. Perficere autem bonum,  
 non invenio. Non enim, quod volo  
 bonum, hoc ago: sed quod nolo malum,  
 hoc ago. Si autem quod nolo, illud  
 facio: jam non ego operor illud;  
 sed quod habitat in me, peccatum.  
 Invenio igitur legem, volenti mihi  
 facere bonum, quoniam mihi malum  
 adjacet.

**Y.** Euge serve bone & fidelis,  
 quia in pauca fuisti fidelis,  
 supra multa te constituam: \*  
 Intra in gaudium Domini tui.

**Y.** Domine quinque talenta  
 tradidisti mihi, ecce alia quinque  
 super lucrata sum. Intra  
 in gaudium.

LECTIO II.

**C**ondelector enim legi Dei  
 secundum interiorem hominem.  
 Video autem aliam legem in  
 membris meis, repugnantem  
 legi mentis meæ, & captivantem  
 me in lege peccati, quæ est in  
 membris meis. Infelix ego homo,  
 quis me liberabit de corpore mortis  
 hujus? Gratia Dei per Jesum  
 Christum Dominum nostrum.  
 Igitur ego ipse mente servio  
 legi Dei; carne autem legi  
 peccati. Nihil ergò nunc damnationis  
 est iis, qui sunt in Christo  
 Jesu: qui non secundum carnem  
 ambulant, sed secundum spiritum.  
 Qui enim secundum carnem sunt,  
 quæ carnis sunt, sapiunt. Qui  
 verò secundum spiritum sunt, quæ  
 sunt spiritus, sentiunt. Qui autem  
 in carne sunt, Deo place-  
 re non possunt.

**R.** Ecce Sacerdos magnus,  
 qui in diebus suis placuit Deo:  
 \* Ideò jurejurando fecit illum  
 Dominus crescere in plebem  
 suam.

**Y.** Benedictionem omnium  
 Gentium dedit illi, & testamentum  
 suum confirmavit super caput  
 ejus. Ideò jurejurando.